



**Quæstionum Canonicarum, In Quinque Libros
Decretalium, Tomus ...**

In Librum I. Decretalium, Per quadraginta, & tres Titulos distributum, in
quo agitur De Constitutionibus, Seu Legibus universim ...

Krimer, Ferdinand

Augustæ Vindelicorum, 1706

Articulus VIII. De Actibus legis.

[urn:nbn:de:hbz:466:1-73031](#)

di vim legis; cùm nemini fraus sua patrocinari debeat. Casus videtur esse, si quis præcisè, ne teneatur ad abstinentiam à secunda refectione in quadragesima v. g. susciperet exercitium aliquod corporale, tantæ quandoque fatigationis, quantam subeunt mechanici prosequentes operas suas; si id fieret, secluso omni alio honesto fine, comparatione cuius illud exercitium haberet rationem medijs.

ARTICULUS VIII.

De Actibus legis.

305. **Q**uartuor actus legi proprios communiter numerant Authores, juxta L. legis virtus: ff. de legibus, ubi Modestinus ait: *Virtus hec est, imperare: vetare, permittere, punire.* Ex hoc inferunt Doctores cum D. Thoma 1. 2. q. 92. a. 1. nullam esse legem, quæ saltem aliquo modo, & ratione vel non imperet, vel non vetet, seu prohibeat, vel non permittat aliquid faciendum, vel factum non puniat; Sic A-zor p. 1. l. 5. c. 5. q. 5. Suarez de leg. l. 1. a. c. 15. quos citat, & sequitur Castropalaus p. 4. n. 1.

306. Loquendô autem de lege imperante & vetante not. 1. licet imperans actum aliquem præstandum, eo ipso etiam, saltem indirectè prohibeat omne aliud in-compossibile cum existentia actus, per imperium intenti; adhuc tamen imperare, ac vetare, seu prohibere, inter se differe 1. quia lex imperans (quam alij etiam vocant præceptum affirmativum, seu positivum, sumendò præceptum non strictè, prout diximus superius; sed latè pro lege generaliter) directè intendit positionem alicujus actus; & vetans, seu prohibens (quam alij vocant præceptum negativum) directè intendit omissionem actus. Præceptum enim positivum, seu affirmativum est, quod directè (nimurum ex fine, quem immediate respicit) præcipit positionem actus; negativum, quod directè intendit alicujus actus omissionem. Et ideo etiam leges alias sunt affirmativa, alias negativa: illæ præcipiunt actus humani exercitium, istæ prohibent. Harum tamen distinctio in praxi male colligitur ex vocabulis, quibus proferuntur: rectè ex objecto, in quod legislator directè fertur. Unde licet lex affirmativa etiam prohibeat, quid quid est in-

compossibile cum actu, quem intendit; consequenter ejus omissionem petat; id tamen solum exigit indirectè, quatenus directè querit positionem actus. Hinc licet in rigore quælibet lex, verè ac propriè aliquid imperet, nimurum positionem vel omissionem actus; hoc ipsum tamen imperium ex fine directè quæsito esse aliud affirmativum, quando intendit alicujus actus humani positivum exercitium; aliud negativum, si ejus omissionem, sive puram, sive positivam.

Ex hoc colliges: in quæstione, an lex aliqua, vel præceptum sit affirmativum, vel negativum? de qualitate judicium esse ferendum ex fine per legem, vel præceptum directè quæsto; non autem ex verbis, quibus voluntas, & dispositio legislatoris effertur, aut enuntiatur; sic, licet omnis actus intellectus sit intellectio, alia tamen est affirmativa; alia negativa. Hinc sequitur, istam legem, vel præceptum: v. g. die festo non omittes sacram (licet efficeretur verbis, seu propositione negativa) nihilominus esse affirmativum; quia finis ejus directè intentus, est positio alicujus actus, nimurum auditio sacri; & hoc (abstinebis à mendacio, blasphemia &c.) esse negativum; esto efficeretur propositione affirmante; quia finis ejus directè quæsus, est omissione mendacij, blasphemie &c.

Pro lege permittente, not. licet alicui aliquid permittere non inducat obligationem, quæ teneatur is, cui permittitur, inducere tamen obligationem in alios, ne facientem id, quod sibi permisum est, impediatur, vel propterea puniant. Hinc si, quod alicui permittitur, est bonum, prohibentur alij, ne ipsum in ejus usu impediatur; si vero sit malum, inhibentur Juges, ne, si faciat, propterea puniant. Ex hoc colliges: dispositionem superioris, qua subdito aliquid permittit, non esse legem, in quantum respicit eum, cui fit aliqua permissio; sed in quantum respicit alios, quos obstringit, ne in actu permissio alterum impediatur, aut (si malus, sed permissus est) propterea puniant; quod tamen intellige de illis, qui permittenti subditi sunt; alias enim eos lege suâ, alteri aliquid permittente, non posset obligare; cùm nulla detur jurisdiction in non subditum.

Advertendum præterea, esse discri-
men

men inter *permittere*, & *dispensare*, *commutare*, & similia. Nam *permisso* non tollit obligationem legis, si sit ad actum malum prohibitum, sed datur, cum quis violat legem *impunè*: dispensatio autem datur, quando legis obligatio, complectens personas hujus communitatis, ab hac persona tollitur, & manet circa reliquias. *Commutatio* autem sit per translationem obligationis v. g. si relaxetur jejuniū, cum onere, illius loco, dicendi rosarium. Similiter dare *licentiam*, *interpretari*, *abrogare*, *derogare*, & similia inter se differunt. Nam *licentia*, seu facultas, latius pater, quam dispensatio; quamvis enim omnis dispensatio sit *licentia*, non tamen econtra Religiosus enim non valet exire domo, *sine licentia*, quando tamen ei *licentia* datur, non dispensatur in lege, sed potius completur modus operandi præscriptus in lege, ut *nemo exeat sine licentia*. *Interpretari* legem, non est tollere obligationem, sed declarare illam in hac circumstantia non obligare. *Suspendere* nec est legem tollere, nec obligationem ejus; sed solum effectum ejus suspendere ad tempus. *Derogare legi*, est auferre eam in perpetuum, non in totum, sed solum quoad partem; *abrogare* autem est auferre legem in perpetuum quoad totum, postquam vim obligandi adepta est; hinc legem impedire, & cassare, ne robur obligandi consequatur (ut si Princeps legem constitutam à civibus, indigentem ipsius Principis confirmatione, non confirmet) est *legem irritare*. sic Pereyra cit. à n. 212.

310. Adverte 2. *Permittere* apud latinos idem esse, ac *sinere tolerare*, concedere: sed apud Juristas *permittere* tripliciter accipitur, ut notat Sylvester V. *permittere* n. 1. Nam 1. quod nullo jure prohibitum est, permisum dicitur; sic contrahere secundas nuptias, permisum est. c. *Hac ratione* 31. q. 1. deinde, quando contra humanas constitutiones aliquid indulgetur: v. g. contrahere in quinto gradu. c. *quodam*, 35. q. 3. Demum quando permittitur illicitum, ut vitetur id, quod est magis malum, & illicitum. v. g. permittitur adulterium, ut vitetur homicidium. c. *Si quod verius*. 33. q. 2.

311. Adverte 3. *Permissionem contra legem*

esse triplicem: 1. dicitur *permisso simplex*, quæ indulget poenam, sed non culpam, qualis est permissio meretricum ad vitanda majora peccata, c. *denique*, dist. 4. Altera *removens impedimenta*; qualiter Ecclesia permittit ritus Judæorum, prohibens Christianis, ne illos impediatur, propter bonum inde sequens, ut habetur c. *qui sinceram*, dist. 45, Demum *coadjuvans*, ut contingit, cum Ecclesia permittit Clericum occidi justè à Judice Laico, seu seculari, eum degradandō, & tradendo, juxta c. *degradatio de Pænitent.* in 6.

Ex hoc infertur distinctione inter *permisum*, & *concessum*. Nam *concessum*, in moribus, dicitur, ut opponitur *prohibito*; ac idem valet, atque *licitum*; quid quid nec in jure canonico, nec in jure civili reperitur exprestè prohibitum, c. *qui spirituale*. 3. q. 4. & L. *Nec non* q. 2. *quod ejus ff.* Ex quibus causis Majores; de quo videri etiam potest Barbos in axiomat. *juris*, axiomat. 46. quæ propterea hic afferre volui, ex Pereyra cit. à n. 209. ut propria horum terminorum significatio noscatur, & inde tam legum, quam sacrorum canonum expositio rite ac sine confusione fieri possit ex mente legis, expressâ verbis scriptæ legis.

Circa *legem punientem* not. *punire*, 313. prout est actus legis, significare idem, ac *imponere*, vel *infingere* poenam, quo significatur delictorum debita coercitio, vel satisfactio, quæ à lege, vel à ministris legis, aut legis ministerio imponitur, per Azon, *in summa de pænitent.* & L. *si pæna ff. de pænis*. Lex enim punit, & vindicat, quod quisque commisit c. *Pænitentia*, dist. 3. de *pænitent*. Hinc lex penalis obligat Judices ad executionem poenæ per legem statutæ, seu punitionem; subditos autem ad hanc sustinendam. Not. autem *pænam*, aliquando esse *taxatam* in lege, dicique *legalem*; aliquando autem non, sed committi arbitrio Judicis, & tunc dici *arbitrariam*; ita Sanch. l. 6. *Consil. moral.* c. 1. dub. 21. n. 1.

Ex hoc fit, quod Judex inferior non possit totaliter remittere poenam legis 1. quia cum & ipse sit legibus subjectus, non potest in illis dispensare; haec autem cogunt Judices, ut illas exequantur 2. quia sic, vel parti laſſe, si quæ sit; vel Reipublicæ

blicæ facit injuriam, & ansam dat delicta perpetrandi. S. Thom. 2. 2. q. 67. a. 4. Sotus l. 5. de Just. q. 4. a. 4. Hoc tamen limita, ut non procedat de supremo Judice; hic enim potest, ex causa justa, in lege sua dispensare: intellige tamen, non pro libitu suo, sed quando pars laesa remittit, & inde reipublicæ damnum non sequitur; Sanch. cit. n. 3. *Felin. c. qualiter. Q. ad corrigendas de accusat. limita 2.* ut non procedat in casu, ubi est *justa causa* poenam minuendi; tunc enim etiam Judex inferior eam mitigare, seu minuere potest; *Covar. l. 2. Variarum. c. 9. n. 8.* Sanch. cit. D. 21. n. 10. patet *ex L. quid ergo. Q. pena gravior. ff. de his, qui not. infam. L. Et si severior. L. si Possidonium. C. Ex quibus causis irrog. infam.*

315. *Justa verò causa est actas*, ut pueritia, vel auxilium. *Q. In delictis. ff. de minorib.* Item *seneclus. L. Divus. ff. de termino morto.* 2. *paupertas*, quando poena est pecunaria. *L. Illicitos. Q. ult. ff. de offic. præsid.* 3. *doli defectus*, quando scilicet non ex deliberatione, nec consilio, sed subita animi passione, vel dolore commissum est delictum *L. Absentem Q. ult. ff. de paenit.* 4. quando est *consuetudo* non mala, sed legitimè præscripta. *c. Cum contingat, de foro compet. c. Inquisitioni. de accusat.* &c. plures vide apud Sanch. cit. Verùm *huc intellige ante sententiam latam*, quâ Judex Reum condemnavit ad aliquam poenam. Judex enim inferior non potest eam minuere, sive poena illa sit in lege taxata, sive arbitraria; Quia jam officio functus est. *L. Quod iussit. ff. de rejudicat.* Bart. in l. 1. ff. *Si quis jus dicenti. n. 14.* Excipe crimen hæresis, per c. *Commissa 34. de elect. in 6.*

316. *Quamvis autem punire sit proprius actus legis*, non tamen idem est de *præmio*; nam licet collatio præmij aliquando procedat à Superiore ferente legem, ut rectè notat Castropal. cit. tr. 3. diff. 1. p. 4. n. 3. non tamen requiritur necessariò, ut præmium à Superiore sicut punitio procedat; cùm aliquando possit procedere à non Superiore, vel æquali, sicut consilium. Quare præmij collatio non est necessariò actus legis propriè dictæ.

317. Dices: omnis actus legis propriè dictæ, est sub obligatione; ergo actus, qui non

sunt sub obligatione, non sunt actus legis propriè dictæ; sed inhabilitatio personarū, vel irritatio certorum actuum; imò præscriptio multorum, quæ continentur in Rubricis missæ, Breviarij, & similiū non ponit actum, cui imponitur inhabilitas, vel nullitas, sub obligatione; nam talis inhabilitatio, vel irritatio afficit etiam ignorantes, quod non verificatur, ubi actus est sub obligatione; ergo tales actus non sunt actus legis propriè dictæ, contra id, quod diximus n. 305. Resp. trans. antec. cum sua conseq. N. subsumptum, quoad inhabilitationem, & irritationem; nam de Rubricis dicemus à n. 1310. ad probationem ejus. Resp. quod lex inhabilitans aliquem v. g. *ad contrahendum*, duo præstet. 1. quod obliget eum ad non faciendum tamē actum, nisi servatā præscriptā formā; 2. quod tollat omnem juris dispositionem, si qua sit, quæ actui valorem in tali foro tribuit sine illa celebrato. Unde fit, quod, si ignorans utrumque juris effectum celebret contractum, omisssā tali formā, immuniſ sit à culpa; non autem ab inhabilitate, vel actus celebrati nullitate; quia ignorantia non facit personam habilem; cùm non faciat, quod detur lex tribuens valorem actui sic celebrato, nec tollat carientiam legis habitantis personam, vel validantis actum, quod tamen esse deberet, ut actum poneret validè, cum ignorantia prohibitionis.

Ex hoc idem etiam respondetur ad dispositionem, directè irritantem certos actus. Nam si fieri actum sine forma, quæ præscribitur, vetat, & simul tollit omnem aliam ejusdem fori dispositionem, vi cuius antè validus erat, rectè dici potest dispositionis legalis, seu habens vim legis, & ponens ejusmodi actum sub obligatione, vel non ponendi sine tali forma, vel non ponendi validè, hoc est, ne ab alijs in tali foro pro valido recognoscatur, & habeatur; de quo V. Suarez lib. 1. de legibus, c. 17. n. 10.

ARTICULUS IX.

De materia Legis.

Cùm omnis lex debeat esse *justa*, ut diximus n. 83. & seqq. necesse est, quod sit de actu, consequenter materia, saltem mate-